



Ilulissat, ulloq 20. august 2015

UKA 2015/60

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppa:

Siunnersuut uunga: Naalackersuisut aatsitassanut inatsisip allannguutissaanik, annikitsuinnarmik misissuinissamut aamma pïaanissamut akuersissut inunnut Kalaallit Nunaanni najugaqavissunut tamakkiisumillu akileraartussaataasunut aammalu Kalaallit Nunaann ukiuni qulini inuit allattorsimaffianni nalunaarsorsimallutik najugaqareersimasunut aamma Kalaallit Nunaanni ukiuni qulini tamakkiisumik akileraartussaataareersimasunut taamaallaat tunniunneqarsinnaasunngorlugu, UKA 2016-imut saqqummiinissamut Naalackersuisut peqquneqarnissaanik Inatsisartunut aalajangiiffigisassatut siunnersuut.

(Inatsisartunut ilaasortaq Anthon Frederiksen, Partii Naleraq)

Tunngavilersuut:

Nunarput aatsitassanik mineralinik maannangaaq aammalu siunissami kalaallit nunaanni isertitanik nutaanik pilersitsinissamut iluaqutaalluarsinnaasunik peqaqaaq. Aatsitassarsiorneq aallartisarneqaleruttorpoq aammalu nunatsinnut periarfissatsialaat takussaapput. Taamaammat Partii Naleqqamiit isumaqarpugut ineriartornerup ingerlavallaannginnerani eqqarsarluaqqaartariaqartugut, inatsisitigut nunaqavissunut immikkut sinaakkusersuinissaq, isumarput malillugu nunaqavissunut immikkuullarissumik annikitsuinnarmik misissuinissamut aamma pïaanissamut akuersissut aqqutigalugu rubinit allallu ujaqqat pïnersaasiassat isaatitsissutaasinnaalersillugit aaqqiisoqartariaqartoq.

Aalajangiiffigisassatut siunnersuutitta inatsisunik sukaterinissaq siunertaraa, tassa ullumikkuminngaanniit pitsaanerusumik nunaqavissut annikitsuinnarmik misissuinissamut aamma piiiaanissamut qinnuteqartoqartillugu nunaqavissup inunnguutsiminillusoq salliutinneqartarnissat qulakkeerinniffigineqaqullugu. Nunatta pissarititaasa nalillit, soorlu rubinit allallu ujaqqat pinneraasiassat iluaqusigassat siulliit tassaasariaqarput nunaqavissut. Taamaammat mianersuaalliunnginnissaq pisariaqarpoq, sualummik ujaqqat nalillit inunnut sivikitsuinnarmik maaniittussanut ”tunniussuutiinnassanngikkutsigit”.

Isumaqarpugut siunnersuutitsinni aatsitassanut inatsimmi taama allannguneq ineriartornerup kipusuunnginnissaanut iluaqutaassasoq.

Siunnersuutip aningaasatigut kingunissai

Pisortatigut allaffissornikkut aammalu aningaasaqarnikkut kingunissai

Inatsisimmi annikitsuinnarmik allanngugassaqaqarmat nalilerneqarsimavoq tamanna allaffissornermi aningaasaliissutaareersunit matuneqarsinnaasoq. Aammattaaq, tusarniaasoqassagaluarpat, tusarniaanerup ataatsip allaffissornermi annertunerusumik aningaasartuutaanavianngitsoq nalilerneqarpoq.

Allaffissornikkut aningaasatigullu namminersortunut kingunissai:

Soqanngilaaq

Innuttaasunut allaffissornikkut aningaasatigullu kingunissai:

Soqanngilaaq